

Broj: 01-01.3-3805-18/19 MA  
Datum: 05.12.2019. godine

Na osnovu člana 70. stav (4) Zakona o javnim nabavkama ("Službeni glasnik BiH", broj: 39/14), te člana 15. Pravilnika o javnim nabavkama JP Autoceste FBiH d.o.o. Mostar, br.: NO 1.01-724-11/15 od 24.02.2015. godine i NO 1.01-3309-3/19 od 26.07.2019. godine i preporuke Komisije za nabavku konstatovane u Zapisniku o pregledu i ocjeni ponuda, broj: 01-01.3-3805-17/19 MA od 02.12.2019. godine, direktor Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

### ODLUKU o poništenju postupka javne nabavke

I

Poništava se otvoreni postupak, broj: 01-01.3-3805/19 MA skupa sa Obavještenjem o nabavci, broj: 266-1-2-233-3-174/19 objavljenim 01.10.2019. godine, a koji se odnosi na nabavku usluga: „Izrada Glavnog projekta autoceste dionica Ozimica-Poprikuše (Žepče jug)“, u skladu sa članom 69. stav (2) tačka e) Zakona o javnim nabavkama (u daljem tekstu: Zakon), jer su cijene svih prihvatljivih ponuda značajno veće od osiguranih sredstava za predmetnu nabavku.

II

Ponuda ponuđača – grupe ponuđača TRASA d.o.o. Sarajevo (nosilac grupe), SARAJ INŽENJERING d.o.o. Sarajevo, Institut za građevinarstvo „IG“ d.o.o. Banja Luka, ROUTING d.o.o. Banja Luka i IGH d.o.o. Mostar odbacuje se kao neprihvatljiva u skladu sa članom 68. st. (1) i (4) tačka i) Zakona, jer ponuda ne ispunjava sve kvalifikacione uslove i druge zahtjeve tenderske dokumentacije.

III

U skladu sa članom 70. stav (6) Zakona JP Autoceste FBiH d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba) i to istovremeno s upućivanjem odluke ponuđačima koji su učestvovali u postupku nabavke.

### O b r a z l o ž e n j e

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (2) tačka b), 17. stav (1), 18. stav (1) i 19. stav (1) Zakona, pokrenulo otvoreni postupak, broj: 01-01.3-3805/19 MA za nabavku usluga: „Izrada Glavnog projekta autoceste dionica Ozimica-Poprikuše (Žepče jug)“. Na Portalu javnih nabavki objavljeno je Obavještenje o nabavci broj: 266-1-2-233-3-174/19 dana 01.10.2019. godine. Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije zakazano je javno otvaranje ponuda dana 15.11.2019. godine u 10:30 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Operativni ured Sarajevo, Hamdije Kreševljakovića 19, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da su ponudu predala 2 (dva) ponuđača.



Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

U predmetnom postupku, prihvatljiva je samo jedna ponuda i to ponuđača IPISA Institut d.o.o. Sarajevo, koja ispunjava sve uslove i zahtjeve postavljene tenderskom dokumentacijom, što je Komisija za nabavku konstatovala u Zapisniku o pregledu i ocjeni ponuda, broj: 01-01.3-3805-17/19 MA od 02.12.2019. godine, koji je sastavni dio ove Odluke. Međutim, cijena ponude ponuđača IPISA Institut d.o.o. Sarajevo, kao jedina prihvatljiva ponuda, prelazi procijenjenu vrijednost nabavke, odnosno znatno je veća od osiguranih sredstava za predmetnu nabavku (za 350.000,00 KM). Shodno prijedlogu i preporuci Komisije za nabavku, poništava se otvoreni postupak za nabavku usluga: „Izrada Glavnog projekta autoceste dionica Ozimica-Poprikuše (Žepče jug)“, u skladu sa članom 69. stav (2) tačka e) Zakona, jer su cijene svih prihvatljivih ponuda značajno veće od osiguranih sredstava za predmetnu nabavku.

Ponuda ponuđača – grupe ponuđača TRASA d.o.o. Sarajevo, SARAJ INŽENJERING d.o.o. Sarajevo, Institut za građevinarstvo „IG“ d.o.o. Banja Luka, ROUTING d.o.o. Banja Luka i IGH d.o.o. Mostar se odbacuje kao neprihvatljiva u skladu sa članom 68. st. (1) i (4) tačka i) Zakona, jer ponuda ne ispunjava sve kvalifikacione uslove i druge zahtjeve tenderske dokumentacije. Detaljni razlozi odbacivanja ponude ponuđača – grupe ponuđača TRASA d.o.o. Sarajevo, SARAJ INŽENJERING d.o.o. Sarajevo, Institut za građevinarstvo „IG“ d.o.o. Banja Luka, ROUTING d.o.o. Banja Luka i IGH d.o.o. Mostar navedeni su u Zapisniku o pregledu i ocjeni ponuda, broj: 01-01.3-3805-17/19 MA od 02.12.2019. godine, koji je sastavni dio ove Odluke.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

#### **Pouka o pravnom lijeku:**

Protiv ove Odluke može se uputiti žalba u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Prilog:

- Zapisnik o pregledu i ocjeni ponuda

**v.d. izvršni direktor  
za projektovanje i građenje**

.....  
**Adem Zolj, dipl.ing.saob.**

**direktor:**



Identifikacijski broj 4227691540005 PDV broj 227691540005  
Glavni račun: Union banka Sarajevo 1020010000014039  
Transakcijski račun: Raiffeisen bank dd Sarajevo, glavna filijala Mostar 1610200062470038  
Federalna taksa za korištenje autoceste: 1610200062470232 i 338690229656422  
Naknada za korištenje cestovnog zemljišta: 1610200062470135 i 3386902296564549  
Registровано u Općinskom sudu u Mostaru, MBS 58-01-0179-10

2

Broj: 01-01.3-3805-17/19 MA

Datum: 02.12.2019. godine

U skladu sa članom 65. Zakona o javnim nabavkama („Službeni glasnik BiH“, broj 39/14), te članom 18. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15) i članom 14. Pravilnika o javnim nabavkama JP Autoceste FBiH d.o.o. Mostar, br.: NO 1.01-724-11/15 od 24.02.2015. godine i NO 1.01-3309-3/19 od 26.07.2019. godine, Komisija za nabavke imenovana Rješenjem, broj: 01-01.3-3805-13/19 MA od 13.11.2019. godine, sačinjava:

### ZAPISNIK O PREGLEDU I OCJENI PONUDA u otvorenom postupku

- a) **Naziv i sjedište ugovornog organa:** JP Autoceste FBiH d.o.o. Mostar;
- b) **Predmet nabavke:** Nabavka usluga: „Izrada Glavnog projekta autoceste dionica Ozimica-Poprikuše (Žepče jug)“;
- c) **Evidencijski broj nabavke:** 01-01.3-3805/19 MA;
- d) **Vrsta postupka javne nabavke:** Otvoreni postupak;
- e) **Procijenjena vrijednost nabavke:** 4.100.000,00 KM (bez PDV-a);
- f) **Broj obavještenja o nabavci sa Portala javnih nabavki:** Obavještenje o nabavci broj: 266-1-2-233-3-174/19 objavljeno dana 01.10.2019. godine;
- g) **Datum početka pregleda i ocjene ponuda:** Komisija je počela sa pregledom ponuda 18.11.2019. godine;
- h) **Naziv i sjedište svih ponuđača, prema redoslijedu zaprimanja ponuda:** Komisija za javne nabavke za predmetni postupak je utvrdila da su do krajnjeg roka za dostavljanje ponuda, blagovremeno zaprimljene 2 (dvije) ponude i to kako slijedi:
1. **IPSA Institut d.o.o. Sarajevo** zaprimljena dana 15.11.2019. godine u 08:50 sati, sa ukupnom ponuđenom cijenom usluga u iznosu od **4.450.000,00 KM** bez uključenog PDV-a, odnosno **5.206.500,00 KM** sa uključenim PDV-om;
  2. **Grupa ponuđača: TRASA d.o.o. Sarajevo (nosilac grupe), SARAJ INŽENJERING d.o.o. Sarajevo, Institut za građevinarstvo „IG“ d.o.o. Banja Luka, ROUTING d.o.o. Banja Luka, IGH d.o.o. Mostar** zaprimljena 15.11.2019. godine u 09:30 sati, sa ukupnom ponuđenom cijenom usluga u iznosu od **4.385.495,00 KM** bez uključenog PDV-a, odnosno **5.131.029,15 KM** sa uključenim PDV-om;
- i) **Podaci o pojašnjenju dokumenata u skladu sa članom 68. stav (3) Zakona o javnim nabavkama (u daljem tekstu: Zakon) ako ih je bilo:** Nije traženo pojašnjenje dokumenata;
- j) **Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nema ispravki koje su urađene na način da su vidljive, potvrđene potpisom ponuđača i sa datumom izvršene ispravke;



k) Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:

RB	ANALIZA, PREGLED I OCJENA PONUDA	NAZIV PONUĐAČA	
	„Izrada Glavnog projekta autoceste dionica Ozimica-Poprikuše (Žepče jug)“	IPSA Institut d.o.o. Sarajevo	Grupa ponuđača: TRASA d.o.o. Sarajevo; SARAJ INŽENJERING d.o.o. Sarajevo; Institut za građevinarstvo „IG“ d.o.o. Banja Luka; ROUTING d.o.o. Banja Luka i IGH d.o.o. Mostar;
a)	Kvalifikacioni uslovi:		
1.	<p><b>Lična sposobnost - kvalifikacija prema članu 45. ZJN:</b></p> <p><b>USLOV:</b> U skladu sa članom 45. Zakona, ponuda će biti odbijena ako je ponuđač:</p> <p>a) u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan;</p> <p>b) pod stečajem ili je predmet stečajnog postupka, osim u slučaju postojanja važeće odluke o potvrđivanju stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registrovan;</p> <p>c) nije ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registrovan;</p> <p>d) nije ispunio obaveze u vezi s plaćanjem direktnih i indirektnih poreza u skladu sa važećim propisima u Bosni i Hercegovini ili u zemlji u kojoj je registrovan.</p> <p><b>DOKAZ:</b> U svrhu ispunjavanja uslova iz prethodne tačke ponuđači trebaju dostaviti <b>Izjavu ovjerenu kod nadležnog organa (organ uprave ili notar)</b> da se na njih ne odnose slučajevi definisani tačkom 7.1.1 od a) do d) tenderske dokumentacije. Izjava se dostavlja u formi utvrđenoj Aneksom 5 tenderske dokumentacije</p>	+	+* +* +* +* +*
2.	<p><b>Sposobnost obavljanja profesionalne djelatnosti:</b></p> <p><b>USLOV:</b></p>		



	<p>Što se tiče sposobnosti za obavljanje profesionalne djelatnosti ponuđači moraju biti registrovani za za obavljanje djelatnosti projektovanja koja je predmet javne nabavke.</p> <p><b>DOKAZ:</b> U svrhu dokazivanja profesionalne sposobnosti ponuđači trebaju uz ponudu dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke. Dostavljeni dokazi se priznaju, bez obzira na kojem nivou vlasti su izdati. <b>Dokazi koji se dostavljaju moraju biti originali ili ovjerene kopije.</b></p>	+	+ + + + +
3.	<p><b>Tehnička i profesionalna sposobnost</b> <b>USLOV:</b> Što se tiče tehničke i profesionalne sposobnosti, ponuđači trebaju ispuniti sljedeće minimalne uslove koji se mogu potvrditi dokazima iz člana 50. Zakona a to su:</p> <ul style="list-style-type: none"> <li>a) da ima uspješno iskustvo u izvršenju najmanje 1 (jednog) ugovora čiji je predmet izrada svih faza idejnih ili glavnih projekata autoceste i/ili brze ceste, minimalne vrijednosti 2.000.000,00 KM sa uključenim PDV-om, u posljednje 3 (tri) godine ili od datuma registracije, odnosno početka poslovanja, ako je ponuđač registrovan odnosno počeo s radom prije manje od 3 (tri) godine.</li> <li>b) da ima na raspolaganju minimalno jedan licencirani softver za izradu svih projekata traženih Projektnim zadatkom; <ul style="list-style-type: none"> <li>a) da ima na raspolaganju projektni tim za usluge projektovanja u čijem sastavu mora imati slijedeće kvalifikovano, stručno i iskusno osoblje: <ul style="list-style-type: none"> <li>i. 1 vođa tima - dipl.ing.građevinarstva sa položenim stručnim ispitom, te sa najmanje 7 godina radnog iskustva u struci, od toga najmanje 5 godina profesionalnog iskustva u vođenju projekata ili iskustva na poziciji vodećeg projektanta u oblasti cestogradnje (projektovanje autocesta i/ili brzih cesta);</li> <li>ii. 2 inženjera za trasu (1 odgovorni projektant za trasu + 1 projektant za trasu) - dipl.ing.građevinarstva sa položenim stručnim ispitom, te sa najmanje 5 godina radnog iskustva u struci, od toga najmanje 3 godine na poslovima projektovanja trase autocesta i/ili brzih cesta;</li> </ul> </li> </ul> </li> </ul>		



	<p>iii. 2 inženjera za mostove (1 odgovorni projektant za mostove + 1 projektant za mostove) - dipl.ing.građevinarstva sa položenim stručnim ispitom, te sa najmanje 5 godina radnog iskustva u struci, od toga najmanje 3 godine na poslovima projektovanja objekata na autocesti i/ili brzoj cesti;</p> <p>iv. 2 inženjera za tunele (1 odgovorni projektant za tunele + 1 projektant za tunele) - dipl.ing.građevinarstva sa položenim stručnim ispitom, te sa najmanje 5 godina radnog iskustva u struci, od toga najmanje 3 godine na poslovima projektovanja tunela na autocesti i/ili brzoj i/ili magistralnoj cesti;</p> <p>v. 2 inženjera za geotehniku (1 odgovorni projektant za geotehniku + 1 projektant za geotehniku) - dipl.ing.građevinarstva ili diplomirani inženjer srodnih struka (rudarstvo i geologija) sa položenim stručnim ispitom, te sa najmanje 5 godina radnog iskustva u struci, od toga najmanje 3 godine na poslovima geotehnike u oblasti niskogradnje, ili diplomirani inženjeri srodnih struka (rudarstvo i geologija) koji ispunjavaju uslove iz Pravilnika o geotehničkim istraživanjima i ispitivanjima te organizaciji i sadržaju misija geotehničkog inženjerstva („Službene novine FBiH“, broj: 60/09), te sa najmanje 5 godina radnog iskustva u struci, od toga najmanje 3 godine na poslovima geotehnike u oblasti niskogradnje;</p> <p>vi. 1 inženjer za geologiju (1 odgovorni projektant za geologiju) – dipl.ing.geologije ili rudarstva sa položenim stručnim ispitom, te sa najmanje 5 godina radnog iskustva u struci, od toga najmanje 3 godine na poslovima izrade geoloških podloga u oblasti projektovanje objekata niskogradnje;</p> <p>vii. 2 inženjera za odvodnju (1 odgovorni projektant za odvodnju + 1 projektant za odvodnju) - dipl.ing.građevinarstva sa položenim stručnim ispitom, te sa najmanje 5 godina radnog iskustva u struci, od toga najmanje 3 godine na poslovima projektovanja sistema odvodnje autocesta i/ili brzih cesta;</p>		
--	---	--	--



	<p>viii. 2 inženjera za elektro instalacije i TK kanalizaciju (1 odgovorni projektant za elektro instalacije i TK kanalizaciju + 1 projektant za elektro instalacije i TK kanalizaciju) - dipl.ing.elektrotehnike sa položenim stručnim ispitom, te sa najmanje 5 godina radnog iskustva u struci, od toga najmanje 3 godine na poslovima projektovanja elektro instalacija i TK kanalizacije;</p> <p>ix. 1 inženjer za geodeziju (1 odgovorni projektant za geodeziju) - dipl.ing.geodezije sa položenim stručnim ispitom, te sa najmanje 5 godina radnog iskustva u struci, od toga najmanje 3 godine profesionalnog iskustva u izradi geodetskih podloga za autoceste i/ili brze ceste;</p> <p>x. 1 inženjer za mašinske instalacije - dipl.ing.mašinstva sa položenim stručnim ispitom, te sa najmanje 5 godina radnog iskustva u struci, od toga najmanje 3 godine na poslovima projektovanja mašinskih instalacija;</p> <p>xi. 1 inženjer za arhitekturu - dipl.ing.arhitekture sa položenim stručnim ispitom, te sa najmanje 5 godina radnog iskustva u struci;</p> <p>xii. 1 inženjer za saobraćaj - dipl.ing.saobraćaja ili dipl.ing.građevinarstva sa položenim stručnim ispitom, te sa najmanje 5 godina radnog iskustva u struci, od toga najmanje 3 godine profesionalnog iskustva na izradi projekata autocesta i/ili brzih cesta.</p> <p><b>DOKAZ:</b> Ocjena tehničke i profesionalne sposobnosti ponuđača će se izvršiti na osnovu jednog ili više dokaza:</p> <p>a) Spisak izvršenih ugovora čiji je predmet izrada svih faza idejnih ili glavnih projekata autoceste i/ili brze ceste, minimalne vrijednosti 2.000.000,00 KM sa uključenim PDV-om, u posljednje 3 (tri) godine ili od datuma registracije, odnosno početka poslovanja, ako je ponuđač registrovan odnosno počeo s radom prije manje od 3 (tri) godine. Forma spiska izvršenih ugovora data je kao Aneks 6 ove tenderske dokumentacije (Ponuđač može dostaviti Spisak u sličnoj formi uz uslov da isti sadrži sve relevantne podatke).</p> <p>Uz spisak izvršenih ugovora ponuđač je dužan dostaviti potvrdu o uspješnom iskustvu u realizaciji najmanje 1 (jednog) ugovora čiji je</p>	<p style="text-align: center;">+**</p> <p style="text-align: center;">+**</p>	<p style="text-align: center;">+**</p> <p style="text-align: center;">+**</p>
--	---	---	---



	<p>predmet izrada svih faza idejnih ili glavnih projekata autoceste i/ili brze ceste, minimalne vrijednosti 2.000.000,00 KM sa uključenim PDV-om, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo s radom prije manje od 3 (tri) godine. Potvrda obavezno sadrži naziv i sjedište ugovornih strana ili privrednih subjekata, predmet ugovora (sa jasno naznačenim fazama izrade projektne dokumentacije), vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenom ugovoru, uz predočenje dokaza o učinjenim pokušajima da se takva potvrda obezbjedi;</p> <p>b) Izjava ponuđača da ima na raspolaganju minimalno jedan licencirani softver za izradu svih projekata traženih Projektnim zadatkom. Izjava se dostavlja u formi utvrđenoj Aneksom 7 tenderske dokumentacije.</p> <p>U prilogu Izjave ponuđač je dužan dostaviti adekvatan dokaz o posjedovanju traženog licenciranog softvera (račun, ugovor o kupovini ili održavanju licenciranog softvera i sl.);</p> <p>c) Izjava ovjerena od strane ponuđača da ima na raspolaganju traženo kvalifikovano, stručno i iskusno osoblje. Izjava se dostavlja u formi utvrđenoj Aneksom 7.1 tenderske dokumentacije.</p> <p>Kao prilog Izjavi, ponuđač mora radi dokazivanja ispunjavanja uslova tehničke i profesionalne sposobnosti, dostaviti slijedeće dokaze:</p> <ul style="list-style-type: none"> <li>- Lista ključnog osoblja (članova projektnog tima), koji će biti angažovani za pružanje usluge koja je predmet ove nabavke. Lista se dostavlja u skladu sa obrascem datim u prilogu tenderske dokumentacije - Aneks 7.1, iz koje će biti vidljivo da ponuđač raspolaže osobljem (članovima projektnog tima) kako je to zahtijevano tačkom 7.3.1 c) ove tenderske dokumentacije;</li> <li>- svojeručno potpisane Obrascе biografskih podataka za svakog predloženog člana projektnog tima, iz kojih će biti vidljivo da ponuđač raspolaže osobljem (članovima projektnog tima) kako je to zahtijevano</li> </ul>	<p>+**</p> <p>+**</p> <p>+**</p> <p>+**</p> <p>+**</p> <p>+**</p>	<p>+**</p> <p>+**</p> <p>+**</p> <p>+**</p> <p>-</p>
--	---	---	--





	<p>tačkom 7.3.1 c) ove tenderske dokumentacije. Obrazac biografskih podataka dat je kao Aneks 7.2 u prilogu ove tenderske dokumentacije;</p> <ul style="list-style-type: none"> <li>- diplome za svakog predloženog člana projektnog tima;</li> <li>- uvjerenja/potvrde o položenom stručnom ispitu za svakog predloženog člana projektnog tima;</li> <li>- pismo sa referencama (uvjerenja/potvrde) za svakog predloženog člana projektnog tima izdato od poslodavca/poslodavaca kod kojeg/ih je stekao traženo radno iskustvo, u kojem je potvrđeno uspješno izvršenje zadatka/usluga, uz jasno definisanje uloge predloženog člana projektnog tima i trajanje angažmana. Pismo sa referencama (uvjerenja/potvrde) će sadržavati minimalno sljedeće podatke: Ime i prezime predloženog člana projektnog tima, pozicija koju je obavljao na projektu, period realizacije, lokacija, naručilac, glavni podaci o projektu, obavljene aktivnosti, ostali podaci koji dokazuju posjedovanje traženog radnog iskustva iz tačke 7.3.1 c) ove tenderske dokumentacije. U slučaju da predloženi član projektnog tima ne bude u mogućnosti dobiti traženo Pismo sa referencama (uvjerenja/potvrde) od strane poslodavca/poslodavaca kod kojeg/ih je stekao traženo iskustvo, dužan je dostaviti dokaz o izvršenim pokušajima pribavljanja Pisma sa referencama (uvjerenja/potvrda), npr. zaprimljeni pisani zahtjev prema poslodavcu/ima da izda takvo pismo (uvjerenje/potvrdu).</li> </ul> <p>Ugovorni organ ima pravo izvršiti provjeru svih angažmana navedenih u biografskim podacima predloženih članova projektnog tima, ili koristiti druge istražne mehanizme, u cilju provjere da su sve prezentovane informacije istinite i tačne.</p> <p>U slučaju da ugovorni organ otkrije da su informacije koje se nalaze u biografskim podacima predloženih članova projektnog tima, ili Pismu sa referencama (uvjerenjima/potvrđama) netačne, pogrešne ili obmanjujuće, ponuda ponuđača koji je predložio člana projektnog tima sa netačnim, pogrešnim ili obmanjujućim podacima će biti odbačena.</p>	<p>+**</p> <p>+**</p> <p>+**</p>	<p>+**</p> <p>+**</p> <p>-</p>
--	--	----------------------------------	--------------------------------



b)	Ispunjenost uslova u pogledu dostavljanja svih potrebnih dokumenata prema sadržaju ponude		
1.	Popunjen Obrazac za ponudu koji je dat u Aneksu 2 tenderske dokumentacije	+	+
2.	Popunjen Obrazac za cijenu ponude koji je dat u Aneksu 3 tenderske dokumentacije	+	+
3.	Popunjen Obrazac povjerljivih informacija koji je dat u Aneksu 4 tenderske dokumentacije (ponuđači su dužni dostaviti ispunjen ovaj obraz ukoliko imaju povjerljivih informacija)	+	+
4.	Izjava o ispunjenosti uslova iz člana 45. st. (1) tač. a) do d) Zakona, u skladu sa formom Izjave datoj u Aneksu 5 tenderske dokumentacije	+	+* +* +* +* +*
5.	Izjava o sukobu interesa iz člana 52. Zakona koja je data u Aneksu 8 i Aneksu 8.1 tenderske dokumentacije;	+	+ + + + +
6.	Potpisan Nacrt Ugovora koji je dat u Aneksu 9 tenderske dokumentacije	+	+
7.	Izjava ponuđača o obezbjeđenju ovlaštenja koja je data u Aneksu 10 tenderske dokumentacije	+	+***
8.	Bankarska garancija za ozbiljnost ponude u skladu sa obrascem iz Aneksa 11 tenderske dokumentacije u iznosu od 41.000,00 KM i sa rokom važnosti do 11.04.2020. godine	+	+
9.	Parafiran i popunjen Predmjer radova dat u Aneksu 13 tenderske dokumentacije	+	+
10.	Parafiran i popunjen Protokol novca – Aneks 14 tenderske dokumentacije	+	+
11.	Parafiran Projektni zadatak – Aneks 15 tenderske dokumentacije	+	+
12.	Izjava o namjeri podugovaranja (ukoliko ponuđač ima namjeru podugovoriti dio ugovora) data u okviru Aneksa 2 tenderske dokumentacije	+****	+*****
13.	Izjava o ispunjavanju uslova za primjenu preferencijalnog tretmana domaćeg data u okviru Aneksa 2 tenderske dokumentacije	+	+*****
14.	Izjava o zajedničkoj ponudi sa navodima o solidarnoj odgovornosti članova grupe ponuđača (ukoliko ponudu dostavlja grupa ponuđača)	n.p.	+*****
15.	Popis dokumentacije koja je priložena uz ponudu	+	+
<b>c)</b>	<b>Prikaz prihvatljivosti ponuda prema obliku sadržaju i potpunosti</b>		
1.	Cjelovitost ponude	+	+
2.	Uvezana u cjelinu /knjiga, obezbjeđena jemstvenikom/	+	+
3.	Ponuda napisana neizbrisivom tintom	+	+
4.	Pravilno numerisana ponuda	+	+
5.	Ponuda napisana na jednom od službenih jezika u BiH	+	+
6.	Ispravke u ponudi	n.p.	n.p.
7.	Računske greške	n.p.	n.p.
8.	Izmjene/dopune ponude i odustajanje od ponude	n.p.	n.p.
9.	Ponuda potpisana od strane ovlaštene osobe	+	_*****
10.	Dostavljena kopija ponude	+	+
11.	Kopija ponude dostavljena na mediju za pohranjivanje	+	+



	podataka (CD, USB i sl.).		
	<b>PRIHVATLJIVOST PONUDE DA/NE</b>	<b>DA</b>	<b>NE</b>

**Napomena:**

**(+)** u skladu sa tenderskom dokumentacijom **zadovoljava**;

**(-)** nije u skladu sa tenderskom dokumentacijom **ne zadovoljava**;

**(\*)** uz Izjavu, ponuđač dostavio dokaze o ispunjavanju uslova iz člana 45. st. (1) tač. a) do d) Zakona, za sve članove grupe ponuđača;

**(\*\*)** ponuđač je već u ponudi dostavio originale ili ovjerene kopije dokumenata kojima dokazuje ispunjavanje uslova tehničke i profesionalne sposobnosti;

**(\*\*\*)** uz Izjavu Ponuđača o obezbjeđenju ovlaštenja, ponuđač dostavio ovjerene kopije svih ovlaštenja zahtijevanih tačkom 9.9.3. tenderske dokumentacije;

**(\*\*\*\*)** ponuđač izrazio namjeru podugovaranja;

**(\*\*\*\*\*)** ponuđač nije izrazio namjeru podugovaranja;

**(\*\*\*\*\*)** ponuđač je u tački 4. Obrasca za ponudu umjesto tačke a) koja se odnosi na domaćeg ponuđača (bio to jedan ponuđač ili grupa ponuđača) zaokružio tačku b) koja se odnosi na grupu ponuđača koja je sastavljena od članova kojima je sjedište u zemljama potpisnicama CEFTA sporazuma i najmanje jednog člana sa sjedištem u BiH, što nije slučaj kod ovog ponuđača. Međutim, s obzirom da se u oba slučaja na takvog ponuđača primjenjuje preferencijalni tretman domaćeg, posljedica primjene preferencijalnog tretmana bi bila ista, pa komisija smatra da ovaj ponuđač, i pored greške, ispunjava uslov za primjenu preferencijalnog tretmana domaćeg;

**(\*\*\*\*\*)** ponuđač je već u ponudi dostavio original pravni akt o udruživanju u grupu ponuđača, u kojem je ugovorena solidarna odgovornost članova grupe ponuđača;

**(\*\*\*\*\*)** ponuda je potpisana od strane ovlaštene osobe za grupu ponuđača, međutim dio ponude koju je potpisivao član grupe IGH d.o.o. Mostar (član grupe ponuđača TRASA d.o.o. Sarajevo, SARAJ INŽENJERING d.o.o. Sarajevo, Institut za građevinarstvo „IG“ d.o.o. Banja Luka, ROUTING d.o.o. Banja Luka i IGH d.o.o. Mostar) nije potpisan od strane ovlaštene osobe, jer osoba potpisnik, prema Izvodu iz sudskog registra, ima ograničenje za zastupanje za poslove veće vrijednosti od 10.000,00 KM, za koje su joj potrebni supotpis ili pismena saglasnost člana društva;

**(n.p.) nije primjenljivo.**

**l) Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja za svakog ponuđača posebno:** Ponuđač – grupa ponuđača TRASA d.o.o. Sarajevo (nosilac grupe), SARAJ INŽENJERING d.o.o. Sarajevo, Institut za građevinarstvo „IG“ d.o.o. Banja Luka, ROUTING d.o.o. Banja Luka i IGH d.o.o. Mostar ispunjava uslove postavljene u tenderskoj dokumentaciji iz člana 45. i 46. Zakona (tač. 7.1.1 i 7.2.1 tenderske dokumentacije), međutim uslove postavljene u tenderskoj dokumentaciji iz člana 50. Zakona ne ispunjava u cijelini.

Naime, uslove iz člana 50. Zakona čije ispunjenje je zahtijevano tač. 7.3.1 a) i b) tenderske dokumentacije navedeni ponuđač – grupa ponuđača, ispunjava.

Međutim, uslove iz člana 50. Zakona čije ispunjenje je zahtijevano tačkom 7.3.1 c) tenderske dokumentacije navedeni ponuđač – grupa ponuđača ne ispunjava u cjelini, u slijedećem smislu:

- kod člana ključnog osoblja (projektnog tima) Namika Kamenicu koji je predložen za dvije pozicije, i to: „vođa tima“ i „odgovorni projektant za tunele“, vidljivo je ispunjavanje uslova traženih tačkom 7.3.1 c) za poziciju „odgovorni projektant za tunele“. Međutim, za poziciju „vođa tima“ kod predloženog člana ključnog osoblja ni iz dostavljenog Obrasca biografskih podataka, kao ni iz Pisma sa referencama i Potvrde o radnom iskustvu sa referensama za predloženog člana projektnog tima nije vidljivo da posjeduje najmanje 5



(pet) godina profesionalnog iskustva u vođenju projekata ili iskustva na poziciji vodećeg projektanta u oblasti cestogradnje (projektovanje autocesta i/ili brzih cesta). Naime, 5 (pet) godina, kao što je navedeno, podrazumijeva da je traženo profesionalno iskustvo sticano u periodu od 5 (pet) godina;

- kod člana ključnog osoblja (projektog tima) Mirze Biščevića koji je predložen za poziciju „projektant za trasu“, iz dostavljene Potvrde o radnom iskustvu sa referensama za predloženog člana projektog tima nije vidljivo da posjeduje radno iskustvo od najmanje 3 (tri) godine na poslovima projektovanja trase autocesta i/ili brzih cesta. Naime, 3 (tri) godine, kao što je navedeno, podrazumijeva da je traženo profesionalno iskustvo sticano u periodu od 3 (tri) godine;
- kod člana ključnog osoblja (projektog tima) Samira Imamovića, koji je predložen za poziciju „projektant za mostove“, iz dostavljene Potvrde o radnom iskustvu sa referensama za predloženog člana projektog tima nije vidljivo da posjeduje radno iskustvo od najmanje 3 (tri) godine na poslovima projektovanja objekata na autocesti i/ili brzjoj cesti. Naime, 3 (tri) godine, kao što je navedeno, podrazumijeva da je traženo profesionalno iskustvo sticano u periodu od 3 (tri) godine;
- kod člana ključnog osoblja (projektog tima) Sanide Delalić, koja je predložena za poziciju „odgovorni projektant za geotehniku“ kao dipl.ing. građevinarstva, iz dostavljenog Pisma sa referencama za predloženog člana projektog tima nije vidljivo da posjeduje radno iskustvo od najmanje 3 (tri) godine na poslovima geotehnike u oblasti niskogradnje. Naime, 3 (tri) godine, kao što je navedeno, podrazumijeva da je traženo profesionalno iskustvo sticano u periodu od 3 (tri) godine;
- kod člana ključnog osoblja (projektog tima) Mitra Vadića, koji je predložen za poziciju „odgovorni projektant za elektroinstalacije i TK kanalizaciju“, ni iz dostavljenog Obrasca biografskih podataka, kao ni iz Potvrda (pisama) sa referencama za predloženog člana projektog tima nije vidljivo da posjeduje radno iskustvo od najmanje 3 (tri) godine na poslovima projektovanja TK kanalizacije. Dakle, za ovu poziciju neophodno je posjedovanje iskustva na poslovima projektovanja kako elektroinstalacija tako i TK kanalizacije, a ne samo na poslovima projektovanja elektroinstalacija, koje predloženi član ključnog osoblja (projektog tima) Mitar Vadić posjeduje. Naime, tačkom 7.3.1 c) x) tenderske dokumentacije zahtijevano je „radno iskustvo u struci od najmanje 3 godine na poslovima projektovanja elektroinstalacija i TK kanalizacije“, s obzirom da u ovoj tački tenderske dokumentacije stoji „elektroinstalacija i TK kanalizacije“, a ne „elektroinstalacija ili TK kanalizacije“.

Pored navedenih nedostataka u ponudi navedenog ponuđača - grupe ponuđača, ponuda je potpisana od strane ovlaštene osobe za grupu ponuđača, međutim dio ponude koju je potpisivao član grupe IGH d.o.o. Mostar (član grupe ponuđača TRASA d.o.o. Sarajevo, SARAJ INŽENJERING d.o.o. Sarajevo, Institut za građevinarstvo „IG“ d.o.o. Banja Luka, ROUTING d.o.o. Banja Luka i IGH d.o.o. Mostar) nije potpisan od strane ovlaštene osobe, jer osoba potpisnik, prema Izvodu iz sudskog registra, ima ograničenje za zastupanje za poslove veće vrijednosti od 10.000,00 KM, za koje su joj potrebni supotpis ili pismena saglasnost člana društva.

Shodno naprijed navedenom ponuda ponuđača – grupe ponuđača TRASA d.o.o. Sarajevo, SARAJ INŽENJERING d.o.o. Sarajevo, Institut za građevinarstvo „IG“ d.o.o. Banja Luka, ROUTING d.o.o. Banja Luka i IGH d.o.o. Mostar ne ispunjava sve kvalifikacione uslove tehničke i profesionalne sposobnosti iz člana 50. Zakona, niti sve uslove odnosno zahtjeve propisane tenderskom dokumentacijom.

**Napomena:** Ponuđač - grupa ponuđača TRASA d.o.o. Sarajevo, SARAJ INŽENJERING d.o.o. Sarajevo, Institut za građevinarstvo „IG“ d.o.o. Banja Luka, ROUTING d.o.o. Banja Luka i IGH d.o.o. Mostar je dostavila i dokumente koje nije bila obavezna dostaviti u ponudi, odnosno iste je bio dužan dostaviti izabrani ponuđač. Komisija za nabavke, uzimajući u obzir stav Ureda za



razmatranje žalbi Bosne i Hercegovine u Rješenju broj: JN2-01-07.1-532-13/16 od 10.11.2016. godine, izvršila je pregled i ocjenu istih, te ustanovila sljedeće:

- ponuđač – grupa ponuđača je dostavio originale ili ovjerene kopije dokaza o ispunjavanju uslova iz člana 45. stav (1) tač. a) do d) Zakona, za sve članove grupe ponuđača, a za koje je u ponudi dostavio Izjavu o ispunjenosti uslova iz člana 45. stav (1) tač. a) do d) Zakona o javnim nabavkama (Aneks 5), takođe za sve članove grupe ponuđača, a sve u skladu sa tačkom 7.1.4 tenderske dokumentacije;
- ponuđač – grupa ponuđača je već u ponudi dostavio originale ili ovjerene kopije dokumenata kojima dokazuje ispunjavanje uslova tehničke i profesionalne sposobnosti, u skladu sa tačkom 7.3.4 tenderske dokumentacije;
- ovjerene kopije lista osiguranih lica ponuđača – grupe ponuđača izdatih od strane nadležnih ustanova, za lica koja su zaposlenici ponuđača – grupe ponuđača, a za lica koje nije zaposlenik ponuđača – grupe ponuđača original ugovora o angažmanu (obostrano potpisan) za cjelokupno vrijeme trajanja ugovora, u skladu sa tačkom 7.3.5 tenderske dokumentacije;
- ovjerene kopije svih ovlaštenja zahtijevanih tačkom 9.9.3 tenderske dokumentacije, a za koja je dostavio Izjavu Ponuđača o obezbjeđenju ovlaštenja (Aneks 10).

**m) Prikaz traženih i dostavljenih garancija za ozbiljnost ponude:** Ugovorni organ je zahtijevao bankarsku garanciju za ozbiljnost ponude u iznosu od 41.000,00 KM (slovima: četrdesetjednahiljada i 00/100 KM) sa rokom važenja u periodu opcije ponude + 28 (dvadesetosam) dana, odnosno ukupno 148 (stotinučetdesetosam) dana računajući od isteka roka za podnošenje ponuda (15.11.2019. godine), dakle sa rokom važenja do 11.04.2020. godine. Oba ponuđača su dostavila zahtijevanu bankarsku garanciju za ozbiljnost ponude u zahtijevanom iznosu i propisanoj formi, sa propisanim rokom važenja;

**n) Podaci o pojašnjenju ponuda:** Nije zahtijevano pojašnjenje ponuda;

**o) Prikaz prihvatljivosti ponuda prema obliku, sadržaju i potpunosti iz zapisnika sa otvaranja ponuda:** Zaprimljene ponude su uredno zapakovane, obrasci čitko popunjeni, cijena bez PDV-a upoređena u obrascima Aneks 2 i Aneks 3, identična u oba obrasca;

**p) Analitički prikaz traženih i dostavljenih dokaza profesionalne i tehničke sposobnosti ponuđača:** U skladu sa tačkom k) ovog Zapisnika;

**q) Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Zaprimljene ponude ispunjavaju sve zahtjeve u pogledu opisa predmeta nabavke i tehničkog opisa usluga, odnosno oba ponuđača su dostavila parafiran i popunjen Predmjer radova, te parafiran Projektni zadatak.

**r) Podaci o ispravkama računskih grešaka u ponudama ako ih je bilo:** Prilikom računске kontrole ponuda Komisija nije uočila računске greške;

**s) Naziv i sjedište ponuđača čije ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** U skladu sa tačkom l) ovog Zapisnika;

**t) Razlozi za odbijanje ponude zbog neprirodno niske cijene:** Nije primjenjivo;



u) **Rangiranje prihvatljivih ponuda prema kriteriju za izbor ponude:** Komisija za nabavke je utvrdila rang-listu ponuđača prema kriteriju za dodjelu ugovora „najniža cijena“, kako slijedi:

Redni broj	Naziv ponuđača	Ukupna cijena bez PDV-a (KM)	Popust odobren u ponudi	PDV 17% (KM)	Ukupna cijena sa PDV-om i popustom (KM)
1.	<b>IPSA INSTITUT d.o.o. Sarajevo</b>	4.450.000,00	-	756.500,00	5.206.500,00

v) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** vidjeti tačku y) ovog Zapisnika;

w) **Podaci o dijelu ugovora koji se daje u podugovor i podatke o podizvođaču:** Ponuđač **IPSA Institut d.o.o. Sarajevo** je izrazio namjeru podugovaranja za dio ugovora „Knjige C – geot. istr. radovi i III geotehn. ispit. i istr. Knjige: I 1030, I 1040-1049, I 1050, I 1060, I 1070 i I 1080, bez navođenja naziva i sjedišta podugovarača, što nije bila obaveza. Navedeno je da bi vrijednost podugovorenih usluga bila 749.385,00 KM, odnosno u iznosu 14,39% vrijednosti ugovora. Takođe je navedeno će se plaćanje podugovaraču vršiti indirektno;

x) **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:** Ponuđač **IPSA Institut d.o.o. Sarajevo** čija ponuda je jedina prihvatljiva, ukoliko bude izabran odnosno ukoliko se ugovorni organ opredijeli za dodjelu ugovora u skladu sa tačkom y) ovog Zapisnika, **biće dužan da u roku od 5 (pet) dana od dana prijema odluke o izboru najpovoljnijeg ponuđača dostavi:**

- originale ili ovjerene kopije svih zahtjevanih dokumenata iz člana 45. Zakona, odnosno dokumente kojima će potvrditi vjerodostojnost Izjave o ispunjenosti uslova iz člana 45. stav (1) tač. od a) do d) Zakona o javnim nabavkama (Aneks 5), u skladu sa tačkom 7.1.4 tenderske dokumentacije;
- ovjerene kopije svih ovlaštenja zahtijevanih tačkom 9.9.3 tenderske dokumentacije, a za koja je dostavio Izjavu Ponuđača o obezbjeđenju ovlaštenja (Aneks 10).

Ponuđač **IPSA Institut d.o.o. Sarajevo** je već u ponudi dostavio slijedeće dokumente:

- originale ili ovjerene kopije svih dokumenata kojima dokazuje ispunjavanje uslova tehničke i profesionalne sposobnosti, u skladu sa tačkom 7.3.4 tenderske dokumentacije;
- ovjerenu kopiju liste osiguranih lica ponuđača izdate od strane nadležne ustanove, za lica koja su zaposlenici ponuđača, a za lica koja nisu zaposlenici ponuđača originale ugovora o djelu ili angažmanu (obostrano potpisane) za cjelokupno vrijeme trajanja ugovora, u skladu sa tačkom 7.3.5 tenderske dokumentacije;

Shodno navedenom, ukoliko **IPSA Institut d.o.o. Sarajevo** bude izabrani ponuđač u ovom postupku, u skladu sa tačkom y) ovog Zapisnika, **nije dužan ponovo dostavljati navedenu dokumentaciju** nakon prijema Odluke o izboru najpovoljnijeg ponuđača.



Identifikacijski broj: 4227691540005 PDV broj: 227691540005  
 Glavni račun: Union banka Sarajevo 1020010000014039  
 Transakcijski račun: Raiffeisen bank dd Sarajevo, glavna filijala Mostar 1610200062470038  
 Federalna taksa za korištenje autoceste: 1610200062470232 i 3386902296565422  
 Naknada za korištenje cestovnog zemljišta: 1610200062470135 i 3386902296565459  
 Registrovano u Općinskom sudu u Mostaru, MBS 58-01-0179-10

y) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** S obzirom da ponuda ponuđača **IPSA Institut d.o.o. Sarajevo**, kao jedina prihvatljiva ponuda u ovom postupku, prelazi procijenjenu vrijednost nabavke, Komisija za nabavke, u skladu sa mišljenjem Agencije za javne nabavke Bosne i Hercegovine, broj: 02-02-1-4544-2/17 od 20.11.2017. godine, koji je sastavni dio ovog Zapisnika, daje prijedlog direktoru Javnog preduzeća Autoceste Federacije Bosne i Hercegovine društvo sa ograničenom odgovornošću Mostar da donese slijedeću odluku:

#### 1. Prijedlog:

Da ugovorni organ obezbjedi dodatna sredstva za predmetnu nabavku, odnosno za finansiranje ugovora u skladu sa cijenom iz najpovoljnije prihvatljive ponude, iako je ista znatno veća od procijenjene vrijednosti nabavke, te da ugovor za nabavku usluga „Izrada Glavnog projekta autoceste dionica Ozimica-Poprikuše (Žepče jug)“, dodijeli ponuđaču **IPSA Institut d.o.o. Sarajevo**, sa registrovanim sjedištem u ulici Put života bb, 71000 Sarajevo, IDB:4200032270003. Vrijednost ugovora je **4.450.000,00 KM** bez uključenog PDV-a, odnosno **5.206.500,00 KM** sa uključenim PDV-om.

ili

#### 2. Prijedlog:

Da se postupak poništi u skladu sa članom 69. stav (2) tačka e) Zakona o javnim nabavkama, jer je cijena jedine prihvatljive ponude znatno veća od procijenjene vrijednosti nabavke, odnosno od osiguranih sredstava za predmetnu nabavku.

z) **Datum završetka postupka pregleda i ocjene ponuda:** Komisija je završila pregled i ocjenu ponuda dana 29.11.2019. godine;

aa) **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):**

- Mišljenje Agencije za javne nabavke Bosne i Hercegovine, broj: 02-02-1-4544-2/17 od 20.11.2017. godine;



Identifikacijski broj 4227691540005 PDV broj 227691540005  
 Glavni račun: Union banka Sarajevo 1020010000014039  
 Transakcijski račun: Raiffeisen bank dd Sarajevo, glavna filijala Mostar 1610200062470038  
 Federalna taksa za korištenje autoceste: 1610200062470232 i 3386902296565422  
 Naknada za korištenje cestovnog zemljišta: 1610200062470135 i 3386902296564549  
 Registrovano u Općinskom sudu u Mostaru, MBS 58-01-0179-10

bb) Ime i prezime te potpis ovlaštenih predstavnika ugovornog organa koji su izvršili pregled i ocjenu ponuda:

Članovi komisije:

1. Melika Alajbegović, predsjednik Komisije
2. Amra Kahrimanović, član Komisije
3. Aida Zeba, član Komisije
4. Samra Imamović, član Komisije
5. Miranda Zukić, član Komisije

*Alajbegović*  
 \_\_\_\_\_  
*Amra Kahrimanović*  
 \_\_\_\_\_  
*Aida Zeba*  
 \_\_\_\_\_  
*Samra Imamović*  
 \_\_\_\_\_  
*Miranda Zukić*  
 \_\_\_\_\_

Saglasan sa prijedlogom 2. :

*A. Terzić*  
 .....  
**Adnan Terzić, dipl.ing.,**  
 direktor

